

Na osnovu člana 13. Zakona o principima lokalne samouprave u Federaciji Bosne i Hercegovine („Službene novine FBiH“, BR. 49/06 i 51/09), člana 10. Statuta Općine Centar Sarajevo-prečišćeni tekst ("Službene novine Kantona Sarajevo", broj 23/04) a u vezi sa članom 25. stav 1., čl.35., i čl.36. Kolektivnog ugovora za službenike organa uprave i sudske vlasti u Federaciji Bosne i Hercegovine („Službene novine Federacije Bosne i Hercegovine“, broj 98/23 i 46/25) uz saglasnost sindikata, Općinsko vijeće Centar Sarajevo na 11.redovnoj sjednici održanoj dana 30.10.2025.godine, donijelo je

O D L U K A

O IZMJENI ODLUKE O UTVRĐIVANJU PLATNIH RAZREDA I KOEFICIJENATA ZA PLAĆE, DODATAKA NA PLAĆU I NAKNADA PLAĆE IZABRANIH DUŽNOSNIKA, NOSIOCA IZVRŠNIH FUNKCIJA I SAVJETNIKA, DRŽAVNIH SLUŽBENIKA I NAMJEŠTENIKA OPĆINE CENTAR SARAJEVO

Član 1.

(Izmjena člana 5.)

Ovom Odlukom mijenja se člana 5. stav 1. Odluke o utvrđivanju platnih razreda i koeficijenata za plaće, dodataka za plaću i naknada plaće izabranih dužnosnika, nosioca izvršnih funkcija, savjetnika, državnih službenika i namještenika Općine Centar Sarajevo, broj 01-49-750/13 od 28.03.2013. godine, broj 01-49-1680/15 od 29.09.2015. godine i 01-14-4947/18 od 21.12.2018. godine, tako da sada glasi:

„Član 5.

(Elementi za utvrđivanje osnovne plaće)

Osnovna plaća utvrđuje se množenjem osnovice za plaću iz člana 4. ove Odluke sa utvrđenim koeficijentom platnog razreda i tako utvrđeni iznos uvećava se za 0,6% za svaku započetu godinu penzijskog staža vijećnika, općinskog načelnika, savjetnika, pravobranioca i zamjenika pravobranioca, državnih službenika i namještenika, a najviše do 24%“.

Član 2.

Mijenja se član 31., koji sada glasi:

„Član 31.

(Naknada za slučaj povrede na radu, teške bolesti i invalidnosti)

U slučaju povrede na radu, teške bolesti ili invalidnosti državnog službenika ili namještenika ili člana njegove uže porodice isplaćuje se jednokratna novčana pomoć u visini od dvije prosječne neto plaće isplaćene u Federaciji prema zadnjem objavljenom statističkom podatku.“

Član 3.

Mijenja se član 32. stav 1., koji sada glasi:

„Član 32. stav 1.

(Naknada za slučaj smrti)

U slučaju smrti državnog službenika, odnosno namještenika njegovoj porodici se isplaćuju troškovi sahrane u visini od četiri prosječne neto plaće isplaćene u Federaciji prema zadnjem objavljenom statističkom podatku.“

Član 4.

Mijenja se član 34., koji sada glasi:

Državni službenik ili namještenik ima pravo na otpremninu pri odlasku u penziju u visini svojih 5 ostvarenih prosječnih neto plaća isplaćenih u prethodnih pet mjeseci ili 5 prosječnih neto plaća isplaćenih u Federaciji BiH, prema posljednjem objavljenom podatku Federalnog zavoda za statistiku, bez obzira da li odlazi u starosnu, invalidsku ili prijevremenu penziju, u skladu sa zakonom, uz primjenu povoljnijeg prava uposlenika.

Otpremnina se isplaćuje uz isplatu zadnje pripadajuće plaće.

Član 5.

U ostalom dijelu Odluka o utvrđivanju platnih razreda i koeficijenata za plaće, dodataka za plaću i naknada plaće izabranih dužnosnika, nosioca izvršnih funkcija, savjetnika, državnih službenika i namještenika Općine Centar Sarajevo, broj 01-49-750/13 od 28.03.2013. godine, broj 01-49-1680/158 od 29.09.2015. godine i 01-14-4947/18 od 21.12.2018. godine, ostaje nepromijenjena.

Član 6.

Ova odluka stupa na snagu narednog dana od dana objavljivanja na Oglasnoj ploči Općine Centar, a naknadno će se objaviti u „Službenim novinama Kantona Sarajevo“.

Broj, 01-11-6292/25
Sarajevo, 30.10.2025.godine



Predsjedavajući Općinskog vijeća

Benjamin Isović

Ova Odluka je objavljena na Oglasnoj ploči Općine Centar, dana

30 -10- 2025